

大庾縣志卷之十七

藝文

疏

明

申明賞罰以勵人心疏

明王瓊

照得近年各處盜賊生發所在官司往往隱匿不行奏報以致滋蔓難制卻又倡爲招撫之說長奸縱惡莫有哀息及乎招降復叛乃至動調京邊官軍始克平定勞師費財不可勝計今都御史王守仁反覆辨論深切著明具見本官有用之學濟時之才及照昔江西南贛二府福建汀漳

大庾縣志

卷之七

藝文疏

一

二府廣東南雄惠州潮州韶州四府并湖廣郴州四境相接之處素爲盜賊淵藪數爲民患不可盡除比之尋常盜賊迥然不同以議奏特設都御史一員兼治四省地方雖以巡撫爲名實則提督軍務是以原奉勅旨民情事務不必干預然以巡撫爲名而不與民事以禦盜爲職而不得兵權故官雖設而職難盡民受害而盜未息不如不設此官專責各省巡撫官之爲愈也方今彼處盜賊幾至數萬各地方已調兵會剿雖嘗擒殺未必能盡大兵一退必又嘯聚王守仁所奏前事皆有明驗若不責成此官假以兵權申明賞罰誠非久安長治之術也合無請勅南贛等處



都御史假以提督軍務名日照提督軍務文臣事例給與
旗牌應用以振軍威一應軍馬錢糧事宜照依原擬徑自
便宜區畫文職五品以下武職三品以下徑自拏問發落
如遇盜賊入境劫掠即便調兵剿殺不許踵襲舊弊招撫
蒙蔽重爲民患所部官軍若在軍前違限逗留退縮者俱
聽以軍法從事生擒盜賊鞫問明白亦聽斬首示衆其陞
賞事宜除征剿流賊事例先已奏革外若南贛榔桂等處
斬獲賊級聽本處兵備副使會同該道守巡官卽時紀驗
明白備行江西按察司造冊奏繳查照南方剿蠻賊見行
舊例議擬陞賞

大庾縣志

卷之七

藝文 疏

二

申明賞罰以勵人心疏

王守仁

據江西按察司整飭兵備帶管分巡嶺北道副使楊璋呈
伏覩大明律內該載失誤軍事條領兵官已承調遣不依
期進兵策應若承差告報軍期而違限因而失誤軍機者
並斬從軍違期條若軍臨敵境託故違期三日不至者斬
主將不固守條官軍臨陣先退及圍困敵城而逃者斬此
皆罰典也及查得原擬直隸山東江西等處征剿流賊陞
賞事例一人并二人爲首就陣擒斬以次劇賊一名者五
兩二名者十兩三名者陞實授一級不願者賞十兩陣亡
者陞一級俱世襲不願者賞十兩擒斬從賊六名以上至

九名者止陞實授二級餘功加賞不及六名除陞一級之外扣算賞銀三人四人五人以上共擒斬以次劇賊一名者賞銀十兩均分從賊一名者賞五兩均分領軍把總等官自斬賊級不准陞賞部下獲功七十名以上者陞署一級五百名者陞實授一級不及數者量賞一人捕獲從賊一名者賞銀四兩二名者賞八兩三名者陞一級以次劇賊一名者陞署一級俱不准世襲不願者賞五兩此皆賞格也賞罰如此宜乎人心激勸功無不立然而未有能者蓋以賞罰之典雖備然罰典止行於叅提之後而不行於臨陣對敵之時賞格止行於大軍征剿之日而不行於尋

大庾縣志

卷之七

藝文

疏

三

常用兵之際故也且以嶺北一道言之四省連絡盜賊淵藪近年以來如賊首謝志珊高快馬黃秀魁池大鬢之屬不時坎城掠鄉動輒數千餘徒每每督兵追剿不過遙爲聲勢俟其解圍退散卒不能取決一戰者以無賞罰爲之激勸耳合無申明賞罰之典今後但遇前項賊情領兵官不拘軍衛有司所領兵眾有退縮不用命者許領兵官軍前以軍法從事領兵官不用命者許總統兵官軍前以軍法從事所統兵眾有能對敵擒斬功次或赴敵亡從實開報覆勘是實轉達奏聞一體陞賞至若生擒賊徒鞠問明白卽時押赴市曹斬首示眾庶使人知警畏亦與見行事

例決不待時無相悖戾如此則賞罰既明人心激勵盜賊生發得以卽時撲滅糧餉可省事功可見矣具呈到臣卷查三省盜賊二三年前總計不過三千有餘今據各府州縣兵備守備等官所報已將數萬蓋已不啻十倍於前臣嘗深求其故詢諸官僚訪諸父老采諸道路驗諸田野皆以爲盜賊之日滋由於招撫之太濫招撫之太濫由於兵力之不足兵力之不足由於賞罰之不行誠有如副使楊璋所議者臣請因是爲陛下畧言其故盜賊之性雖皆兇頑固亦未嘗不畏誅討夫惟爲之而誅討不及又從而招撫之然後肆無所忌蓋招撫之議但可偶行於無辜脅從

大庾縣志

卷之十七

藝文

疏

四

之民而不可常行於長惡怙終之寇可一施於回心向化之徒而不可屢施於隨招隨叛之黨南贛之盜其始也被害之民恃官府之威令猶或聚眾而與之角鳴之於官而有司者以爲旣招撫之則皆置之不問盜賊習知官府之不彼與也益從而讐脅之民不任其苦知官府之不足恃亦遂靡然而從賊由是盜賊益無所畏而出劫日頻知官府之必將已招也百姓益無所恃而從賊日眾知官府之必不能爲已地也夫平良有冤苦無伸而盜賊乃無求不遂爲民者困征輸之劇而爲盜者獲犒賞之勤則亦何苦而不彼從乎是故近賊者爲之戰守遠賊者爲之鄉導處

城郭者爲之交援在官府者爲之間諜其始出於避禍其卒也從而利之故曰盜賊之日滋由於招撫之太濫者此也夫盜賊之害神怒人怨孰不痛心而獨有司者必欲招撫之亦豈得已哉誠使強兵悍卒足以殲渠魁而蕩巢穴則百姓之憤雪地方之患除功名立豈非其所欲哉然而南贛之兵素不練養類皆脆弱驕惰每遇徵發追呼拘攝旬日而始集約束齋遣又旬日而始至賊已捆載歸巢矣或猶遇其未退望賊塵而先奔不及交鋒而已敗以是禦寇猶驅羣羊而攻猛虎也安得不以招撫爲事乎故凡南贛之用兵不過文移調遣以苟免坐視之罰應名剿捕

大庾縣志

卷之十七

藝文 疏

五

聊爲招撫之媒求之實用斷有不敢何則兵力不足則剿捕未必能克剿捕不克則必有失律之咎欲事剿捕則必徵調日繁督責日至糾舉論劾者四面而起往往坐視而至於落職敗名者有之招撫之策行則可以安居而無事可以無調發之勞可以無戴罪殺賊之責可以無地方多事不得遷轉之滯夫如是孰不以招撫爲得計是故甯使百姓之荼毒而不敢出一卒以抗方張之寇甯使孤兒寡婦之號哭顛連疾苦之無告而不敢提一旅以忤反招之賊蓋招撫之議其始也出於不得已其卒也遂守以爲常策故曰招撫之太濫由於兵力之不足者此也古之善用

兵者驅市人而使戰收散亡之卒以抗強敵今南贛之兵
尙足以及數千豈盡無可用乎然而金之不止鼓之不進
未見敵而奔不待戰而北者何也進而效死無爵賞之勸
退而奔逃無誅戮之及則進有必死而退有幸生何苦而
求必死乎吳起云法令不明賞罰不信雖有百萬何益於
用凡兵之情畏我則不畏敵畏敵則不畏我今南贛之兵
皆畏敵而不畏我欲求其用安可得乎故曰兵力之不足
由於賞罰之不行者此也今朝廷賞罰之典固未嘗不具
但未申明而舉行耳古者賞不踰時罰不後事過時而賞
與無賞同後事而罰與不罰同况過時而不賞後事而不

大庾縣志

卷之十七

藝文 疏

六

罰其亦何以齊人心而作士氣是雖使韓白爲將亦不能
有所成况如臣等腐儒小生才識昧劣素不知兵亦復何
有冀乎議者以南贛諸處之賊連絡數郡蟠據四省非奏
調狼兵大舉夾攻恐不足以掃蕩巢穴是固一說也然臣
以爲狼兵之調非獨所費不貲兼其所過殘掠不下於盜
大兵之興曠日持久聲勢彰聞比及舉事諸賊渠魁悉已
逃遁所得者不過老弱脅從無知之氓於是乎有橫羅
之慘於是乎有妄殺之弊班師未幾而山林之間復以呼
嘯成羣此皆往事之已驗者臣亦近揀南贛之精銳得二
千有餘部勒操演畧有可觀誠使得以大軍誅討之賞罰

而行之平時假臣等以便宜行事不限以時而惟成功是責則比於大軍之舉臣竊以爲可省半費而收倍功臣請以近事證之臣於本年正月十五日抵贛卷查兵部所咨申明律例今後地方但有草賊生發事情緊急該管官司即便依律調撥官軍乘機剿捕應合會捕者亦就調發策應但係軍情火速差人申奏敢有遲延隱匿巡撫巡按三司官即便叅問依律罷職充軍等項發落雖不係聚眾草賊但係有名強盜肆行劫掠賊黨兇惡或白晝攔截或明火持械不拘人數多少一面設法緝捕卽時差人申報合於上司并具申本部知會處置如有仍前朦朧隱蔽不卽

大庾縣志

卷之十七

藝文

疏

七

申報以致聚眾滋蔓貽患地方從重叅究決不輕貸等因題奉欽依備行前來時以前官久缺未及施行臣卽刊印數千百紙通行所屬布告遠近未及一月而大小衙門以賊情來報者接踵亦遂屢有斬獲一二人或五六人七八人者何者兵得隨時調用而官無觀望掣肘則自然無可推託逃避思効其力由此言之律例具存前此惟不申明而舉行耳今使賞罰之典悉從而申明之其獲效亦未必不如是之速也伏望皇上念盜賊之日熾哀民生之日蹙憫地方荼毒之愈甚痛百姓冤憤之莫伸特勅兵部俯采下議特假臣等令旗令牌使得便宜行事如是而兵有不

精賊有不滅臣等亦無以逃其死夫任不專權不重賞罰不行以致於僨軍敗事然後選重臣假以總制之權而往拯之縱善其後已無救於其所失矣臣才識淺昧且體弱多病自度不足以辦行從陛下乞骸骨苟全餘喘於林下但今方待罪於此心知其弊不敢不爲陛下盡言陛下從臣之請使後來者得効其分寸收討賊之功臣亦得以少追死罪於萬一緣係申明賞罰以勵人心事理爲此具本請旨

政治盜賊二策疏節

王守仁

據江西按察司整飭兵備帶管分巡嶺北道副使楊璋呈

大庾縣志卷之十七 藝文 疏

八

奉臣批據南安府申大庾縣報正德十二年四月內被輦賊四百餘人前來打破下南等寨續被上猶橫水等賊七百餘徒截路打寨劫殺居民又據南康縣報輦賊一夥突來龍甸保擄劫居人續被輦賊三百餘徒突來坊民郭加瓊等家擄捉男婦八十餘口耕牛一百餘頭又有輦賊一陣擄劫上長龍鄉耕牛三百餘頭男婦子女不知其數又據上猶縣申被橫水等村輦賊糾同逃民四散擄劫人財續據三門總甲蕭俊報輦賊與逃民約有數百在於地名梁灘擄牽人牛本月十六日准本縣捕盜主簿利昱牒報輦賊劫打頭里茶坑等處駐劄未散已關統兵官縣丞舒

富等前去追剿賊已退回橫水等巢去訖各申本院批兵備道議處回報案照四月初五日據南安府呈同前事彼時本院見在福建漳州督兵未回未知前賊向往行查未報又查得先據南康縣申稱上猶賊首謝志珊糾合廣東賊首高快馬統眾二千餘徒攻圍南康縣治殺損官兵已經議委知府邢珣等查勘失事緣由呈報外續該兵部題咨巡撫都御史孫燧會同安贛都御史王守仁將前項賊犯謝志珊等量調官軍設法剿捕務期盡絕應該會同兩廣鎮巡官行事照例約會施行題奉欽依轉行查勘前賊見今有無出沒及曾否集有兵糧相度機宜卽今可否剿

大庾縣志

卷之十七

藝文 疏

九

捕惟復應會兩廣調集軍馬待時而動務要查議明白處置停當具由呈報仍督各該地方牢固把截用心防守以備不虞等因隨奉本院案驗議照前賊連絡三省盤據千里必須三省之兵尅期並進庶可成功但今湖廣已有偏橋苗賊之征廣東又有府江猺獞之伐雖欲約會夾攻目今已是春深雨水連綿草木茂盛非惟緩不及事抑且虛糜糧餉合無一面募兵練武防守愈嚴積穀貯糧軍需大備告招者俯順其情暫且招安肆惡者乘其間隙量搗其穴候三省約會停當然後大舉庶有備無患事出萬全通行呈詳去後今奉前因隨會同分守左叅議黃宏守備都

指揮同知王泰查勘得南安府所屬大庾南康上猶三縣除賊巢小者未計其大者總計三十餘處有名大賊首有謝志珊志海志全楊積榮賴文英藍瑤陳曰能蔡積昌賴文聰劉通劉受蕭居謨陳尹誠簡永廣蔡積慶蔡西薛文高洪祥徐華張祥劉清才譚曰真蘇景祥藍清奇朱積厚黃金瑞藍天鳳藍文亨鍾鳴大鍾法官王行雷明總唐洪劉元滿所統賊眾約有八千餘徒且與湖廣之桂陽桂東魚黃聶水老虎神仙秀才等巢廣東之樂昌巢穴相聯盤據流劫三省爲害多年所據前賊占據居民田土數萬頃殺擄人民尤難數計攻圍城池敵殺官兵焚燒屋廬姦汙

大庾縣志

卷之十七

藝文 疏

十

妻女其爲荼毒有不忍言神人之所共怒天討所當必加者也今聞廣湖二省用兵將軍夾攻之舉亦惟其時但深山茂林東奔西竄兼之本道兵糧寡弱必須挪借京庫折銀三萬餘兩動調狼兵數千前來協力約會三省竝進夾攻庶可噍類無遺等因又據郴州桂陽縣申本縣四面俱係賊巢正德三年以來賊首龔福全等作耗殺死守備都指揮鄧旻雖征剿惡黨猶存正德七年兵備衙門計將賊首龔福全招撫給與冠帶設爲徭官賊首高仲仁李賓黎穩梁景聰扶道全劉傳興李玉景陳賓李聰曹永通謝志珊給與衣巾設爲老人未及兩月已出要路劫殺軍民動

輒百千餘徒隨處流劫正德十一年七月內龔福全張打旗號僭稱延溪王李賓黎穩梁景聰潛稱聰兵都督將軍名目各穿大紅擄民擡轎展打涼傘擺列頭踏響器其餘徭賊俱乘馬匹千數餘徒出劫樂昌及江西南康等縣拒敵官軍後蒙撫諭將賊首高仲仁李賓給與冠帶重設徭官未甯半月仍前出劫本年正月十六日一起八百餘徒出劫樂昌縣擄捉知縣韓宗堯劫庫劫獄又一起七百餘徒打劫生員譚明浩家一起六百餘徒從老虎等峒出劫一起五百餘徒從興甯等縣出劫切思前賊陽從陰背隨撫隨叛目今徭賊萬餘聚集山峒聲言要造呂公大車攻

大庾縣志

卷之十七

藝文 疏

十一

打州縣城池官民徬徨呈乞轉達請調三省官軍夾剿等情各備申到臣除備行江西廣東湖廣三省該道守巡兵備守備等官嚴督各該府州縣所掌印巡捕巡司把隘提備等官起集兵快人等加謹防禦相機截捕去後查得先因地方兵力單弱既不足以防遏賊勢事權輕撓復不足以齊一人心乞申明賞罰假臣等令旗令牌使得便宜行事已經具題問今復據各呈申前因臣等叅看得前項賊徒譬之疽癰之在人身若不速加攻治必至潰肺決腸然而攻治之方亦有二說若陛下假臣等以賞罰重權使得便宜行事期於成功不限以時則兵眾既練號

知激勵事無掣肘可以伸縮自由相機而動一寨可攻則
攻一寨一巢可撲則撲一巢量其罪惡之淺深而

度其事勢之緩急以爲後先如此亦可以省供饋之

徵調之擾日剪月削使之漸盡灰滅此則如昔人拔齒之
喻日漸動搖齒拔而兒不覺者也然而今此下民之情莫
不欲大舉夾攻以快一朝之忿蓋其怨恨所激不復計慮
其他必須南調兩廣之狼達西調湖湘之土兵四路並進
一鼓成擒庶幾數十年之大患可除十萬人之積冤可雪
然此以兵法十圍五攻之例計賊二萬須兵十萬日費千
金殆於道路不得操事者七十萬家積粟料數月而事始

大庾縣志

卷之十七

藝文

疏

十一

集刻期舉謀又數月而兵始交聲迹彰聞賊强者設險以
拒敵黠者挾類而深逃迨於鋒刃所加不過老弱脅從且
狼兵所過不減於盜轉輸之苦重困於民近年以來江西
有姚源之役瘡痍甫起福建有汀漳之寇軍旅未旋府江
之師方集於兩廣偏橋之討未息於湖湘兼之杼軸已空
種不入土而營建所輸四征未已誅求之刻百出方新若
復加以大兵民將何以堪命此則一拔去齒而兒亦隨斃
者也夫由前之說則如臣之昧劣實懼不足以堪事必擇
能者任之而後可若夫大舉夾攻誠可以分咎而薄責然
臣不敢以身謀而廢國議惟陛下擇其可否斷而行之緣

係地方緊急賊情事理爲此具本請旨

彙奏擒斬功次疏節

據江西按察司整飭兵備帶管分巡嶺北道副使楊璋呈
正德十二年二月二十等日據南安府申據大庾縣隘長
張德報稱湖廣桂陽縣魚黃峒峯賊首唐飛劍總兵嚴宗
清千總賴必等糾眾劫擄當起兵夫追至界首南流拘與
賊對敵殺獲唐飛劍嚴宗清首級二顆及南康縣申准縣
丞舒富關峯賊三百餘人出劫當有保長王萬湖等帶領
鄉兵擒捕殺獲賊級一顆生擒賊二名奪回被擄人口三
名口奪獲黃牛二頭各解報到道審驗明白云云各備由

大庾縣志

卷之十七

藝文

疏

三

呈申開報到臣先爲巡撫地方事節該欽奉勅命爾巡撫
江西南安贛州福建汀州漳州廣東南雄韶州惠州潮州
各府及湖廣郴州地方但有盜賊生發即便設法剿捕欽
此欽遵已經備行各道守巡兵備守備等官嚴督府衙所
州縣掌印捕盜等官起集父子鄉兵及僱募打手殺手拏
手人等各於賊行要路去處加謹防禦遇有盜賊出沒就
便相機截捕獲功呈報以靖地方今據各呈除行各該
備等官將斬獲賊級閱驗明白發仰梟首生擒賊犯
回報俘獲賊屬并牛馬贓物俱變賣價銀入官與

庫被擄人口給親完聚獲功人員例量行給賞外緣

獲功次事理爲此具本題知

議夾剿兵糧疏

王守仁

准兵部咨該本部題職方清吏司案呈奉本部送兵科抄
出巡撫湖廣地方秦金題稱會同巡按御史王度督同都
布按三司掌印署都指揮僉事文恭左布政使周秀鳳副
使惲巍等議照湖廣榔桂等處所屬地方與廣東樂昌江
西上猶等縣處徭賊密邇聯絡彼處有名賊首龔福全高
仲仁李斌龐文亮藍友貴等素恃巢穴險固聚眾行劫先
年用兵征剿各賊漏殄未除遂至禍延今日臣等仰體皇
上好生之心設法撫處冀圖靖安以成止戈之武奈犬羊

大庾縣志

卷之十七

藝文

疏

十四

之性變詐不同豺狼之心貪噬無厭陽雖聽招陰實肆毒
今乃攻打縣堡擄官殺人窮兇極惡神人共憤雖經各官
兵擒斬數輩稍懼歸巢緣其種類繁多出沒尙未可料若
非三省合兵大彰天討惡孽終不殄除疆宇何由甯謐所
據各官會呈乞要大舉臣等再三籌議非敢輕啟兵端但
審時度勢誠有不容已者况彼巢峒旣多賊黨亦眾東追
西竄此出彼藏必須調發本省土漢官軍民兵殺手人等
共三萬員各分立哨道刻期進剿其兩廣南贛仍須各調
官軍狼兵把截夾攻協濟大事臣等計算兵糧重大區處
艱難抑且本省兵荒相繼財力匱乏前項合用錢糧預須

計處今將應調土漢官軍數目供給糧餉事宜及戰攻方
畧開坐具奏該本部覆稱闔外兵權貴在專委征伐事宜
切忌遙制今榔桂猺賊爲害日熾旣該湖廣鎮巡三司官
會議兵不可已要行尅期進剿朝廷若復猶豫不決往返
會議必致誤事但七月進兵天氣尙炎况今五月將中三
省約會期限太迫再請勅兩廣總督等官左都御史陳金
等及請勅巡撫南贛左僉都御史王守仁各照議定事理
欽遵會合行事不許違期失誤及改擬九月中取齊進兵
庶三省路遠不誤約會本年五月十一日少保兼太子太
保本部尙書王瓊等具題奉欽依備咨到臣除欽遵外卷

大庾縣志

卷之十七

藝文

疏

五

查先據江西嶺北道副使楊璋及湖廣榔桂兵備副使陳
璧并廣東韶州府各呈申前事臣叅看得前賊惡貫已盈
神怒人怨天討在所必加但近年以來江西有姚源之役
瘡痍甫起福建有汀漳之寇軍旅未旋府江之師方集於
兩廣偏橋之討未息於湖湘若復繼以大兵惟恐民不堪
命合無申明賞罰容臣等徐爲之圖惟復約會三省並舉
夾攻已經開陳兩端具本上請去後今准前因則巡撫湖
廣右副都御史秦金所題夾攻事理旣奉有成命矣臣謹
將南贛二府議處兵糧事宜開坐緣係地方緊急賊情事
理爲此具本請旨

計開

一南安府所屬大庾南康上猶三縣各有賊巢聯絡盤據有眾數十西接湖廣桂陽等縣南接廣東韶州府樂昌等縣三省夾攻必須湖廣自桂陽桂東等處進廣東自樂昌縣進在南安者必須三縣地方並進庶可使無奔潰

一上猶去龍南幾四百里兩處進兵必須一時並舉庶無驚潰之患大約計之亦須用兵一萬二千名今擬調南康上猶二縣機兵打手一千二百名大庾縣機兵打手一千二百名贛州府所屬除石城縣外甯都信豐二

大庾縣志

卷之十七

藝文 疏

六

縣機兵打手各一千名其餘七縣機兵打手三千名龍泉縣機兵打手一千名安遠縣招安義民葉芳老人梅南春等南縣招安新民王受謝鉞等兵共二千名汀州府上杭縣打手一千名潮州府程鄉縣打手一千名共轆一萬二千之數但湖廣二省之兵皆狼土精悍賊所素畏勢必偏奔江西江西之兵最爲怯懦望賊而潰乃其素習今所擬調皆新習未練若使嚴以軍法處治庶幾人心齊一事功可成

一兵一萬二千餘名每名日給米三升一日該米三百七十餘石閒日折支銀一分五釐一日該銀一百八十

餘兩以六個月爲率約用米三萬三千餘石用銀二萬餘兩領哨統兵旗牌等官并使客合用廩給及賞功犒勞牛酒銀牌花紅魚鹽火藥等費約用銀二萬餘兩通前二項約共用銀五萬兩二府商稅銀兩集兵以來日有所費見存銀止有四千餘兩二府并贛縣大庾南康上猶四縣積穀約計有七八萬石但貯積年久恐春米不及其數見在前銀不足支用就欲別項區處但恐緩不及事查得江西布政司并各府縣別無蓄積止有該解南京折糧銀兩貯庫未解并一應紙米贓罰銀兩合無行巡撫江西都御史孫燧轉行布政司并行各府照

大庾縣志

卷之十七

藝文 疏

七

數借給應用候事甯之日或將以後抽掣商稅或開中鹽引另爲計處奉請補還庶克有濟

議南贛商稅疏

王守仁

據江西按察司分巡嶺北道兵備副使楊璋呈奉巡撫江西地方右副都御史孫燧案驗備行各道兵備等官有地方重大軍務益於政體便於軍民果係應議事件即便條列呈報以憑施行等因隨據南安府呈繳本年春季分折梅亭抽分商稅循環文簿看得該府造報冊內某日共抽稅銀若干不見開有某商人某貨若干抽銀若干中間不無任意抽報情弊及看得一季總數倍少於前原其所自

蓋因抽分官員止是典史倉官義民等項不惜名節惟嗜貪污兼以官職卑微人心玩視以致過往客商或假稱權要而挾放或買求官吏而帶過及被店牙通同客商買求書算以多作少以有作無奸弊百端卷查前項抽分創於巡撫都御史金澤一則甦大庾過山之夫一則濟南贛軍餉之用題奉欽依遵行年久及查贛州龜角尾設立抽分廠建白於總制都御史陳金自正德六年十一月二十七日一起至九年七月終止共抽過商稅銀四萬二千六百八十六兩有奇本省大帽山姚源華林盜賊四起大舉夾攻一應軍餉俱仰給於此並未奏動內帑之積亦未科派小

大庾縣志

卷之十七

藝文

疏

六

民之財以此而觀則商稅之有益地方多矣緣贛州之稅正德十一年該給事中黃重奏稱廣貨自南雄經南安折梅亭已兩稅矣贛州之稅不無重複已經勸明停止贛河之稅近復大舉夾攻軍餉仰給全在折梅亭之稅今所入如此非惟軍餉無益實惟奸宄是資隨會同分守左叅議黃宏議照合將南安之稅移於龜角尾抽分既有分巡道之監臨又有巡撫之統馭訪察數多奸弊自少其大庾縣雇夫銀兩合令該縣每季具印信領狀赴道批行贛州府支領支盡查算准令復支如此非惟大庾過嶺之夫不餓而軍餉之用大增合就會案呈詳等因據呈到臣看得南

贛二府商稅皆因給軍餉裕民力而設折梅亭之稅名雖爲夫役而實以給軍餉龜角尾之稅事雖重軍餉而亦以裕民力兩稅雖若二事其實殊途同歸但折梅亭雖已抽分而龜角尾不復致詰未免有脫漏之弊若折梅亭既已抽分而龜角尾又復致詰未免有留滯之擾况監司既遠胥猾得以恣其侵漁頭緒既多彼此得以容其奸隙若草去折梅亭之抽分而總稅於龜角尾則事體歸一奸弊自消非但有資軍餉抑且便利客商蓋分合雖異而於商稅事體無改織毫轉移之間而於民商利害相去倍蓰除臣欽遵節奉勅諭一應軍馬錢糧事宜俱聽便宜區畫事理

大庾縣志

卷之十七

藝文

疏

五

將副使楊璋等所議行令該府一面查照施行外緣係地方事理爲此具本題知

議夾剿方畧疏

王守仁

據江西嶺北道副使楊璋呈奉臣案驗准兵部咨該巡撫湖廣都御史秦金題爲緊急賊情事備行計處兵糧約會三省將上猶縣等處賊巢尅期九月中進剿等因遵依隨將本道兵糧事宜計呈本院轉達奏聞定奪外隨據南安府上猶大庾等縣申稱各縣鄉民早穀將登各巢叢賊脩整戰具要行出劫并據南康縣縣丞舒富呈訪得大賊首謝志珊號征南王糾率桶岡等巢賊首鍾明貴等約會廣

東大賊首高快馬等大脩戰具并呂公車欲要先將南康縣打破聞知廣東官兵盡調府江就行乘虛入廣流劫乞要早爲撲剿等因已經呈蒙本院密受方畧行委知府季敷縣丞舒富等領兵分剿共生擒大賊首陳曰能等三名首從賊徒五十四名斬獲賊首級六十八顆殺死射死賊徒二百四十餘名燒死賊徒二百餘名搗過巢穴一十九處燒燬房屋禾倉八百九十餘間俘獲賊屬二十九名口水黃牛馬羊騾一百四十四頭匹通經呈報又蒙本院慮賊必將乘間復出行委知府季敷指揮來春等統兵屯南安指揮姚璽縣丞舒富統兵屯上猶指揮謝杲千戶林節

大庾縣志

卷之十七

藝文

疏

三

統兵屯南康各於要害去處往來防剿至七月二十五日賊首謝志珊果復統眾一千五百餘徒攻打南安府城各官督兵迎敵生擒賊犯楊鑾等七名斬獲首級四十五顆賊眾大敗而去八月二十五日賊首謝志珊又統領二千餘徒復來攻打南安府城各官督兵迎敵生擒賊犯龍正等四十二名斬獲首級一百五十七顆賊又大敗而去卽今賊勢少挫若乘此機會直搗其巢旬月之間可期掃蕩但聞湖廣之兵旣已齊集而廣東因府江班師未久復調狼兵未有定期謹按地圖江西之南安有上猶大庾桶岡等處賊巢與湖廣桂東桂陽接境夾攻之舉止該江西與

湖廣會合而廣東止於仁化縣要害把截夾攻不與焉贛州之龍南有泐頭賊巢與廣東龍川接境夾攻之舉止該江西與廣東會合而湖廣不與焉廣東樂昌乳源賊巢與湖廣宜章縣接境惠州賊巢與湖廣臨武縣接境仁化縣賊巢與湖廣桂陽縣接境夾攻之舉止該湖廣廣東二省會合而江西止於大庾縣要害把截夾攻不與焉名雖二省大舉其實自有先後舉動次第不相妨礙若不此之察必欲通待三省之兵齊集然後進剿則老師廢財爲害匪細合將前項事宜約會三省以攻漸舉庶兵力不竭糧餉可省等因據呈到臣看得三省夾攻必須彼此剋期定日

大庾縣志

卷之十七

藝文

疏

三

同時並舉斯乃事理之常然兵無定勢謀賁從時三省賊巢連絡千里雖聲息相因其間亦自有種_種之分界限之隔利將爭趨患則相顧誠使三省之_省已齊備會約並進夫豈不善但今廣東狼兵方自府江班師而歸欲復調集恐非旬日所能兩省之兵既集久頓而不進賊必驚疑愈生其奸悍者奔突黠者潛逃老師費財意外之虞乘間而起雖有智者難善其後誠使先合湖廣江西之兵併力而舉上猶諸賊逮事之畢廣東之兵亦且集矣則又合湖廣廣東之兵併力而舉樂昌諸處逮事之畢江西之兵又得以少息矣則又合廣東江西之兵併力而舉龍川方其

併力於上猶則姑遣人併撫樂昌諸賊以安其心彼見廣東既未有備而湖廣之兵又不及已苟幸旦夕之生必不敢越界以援上猶及夫上猶既舉而湖廣移兵以合廣東則樂昌諸賊其勢已孤二省兵力益專其舉之益易當是之時龍川賊巢相去遼絕自以爲風馬牛不相及彼見江西之兵又撤意必不疑班師之日出其不意回軍合擊蔑有不濟者矣臣竊以爲因地之宜先後合擊之便除臣遵照兵部咨來題奉欽依會兵征剿亦聽隨宜會議施行事理已將前項事宜移咨廣東湖廣總督巡撫等官知會一面相機行事外緣係地方緊急賊情事理爲此具本題知

大庾縣志

卷之十七

藝文

疏

三

泐頭捷音疏畧

王守仁

據江西按察使分巡嶺北道兵備副使楊璋呈據各哨統兵官呈稱攻破賊巢上下中三泐大巢擒斬大賊首從俘獲賊屬男婦燒燬賊巢房屋禾倉及奪獲器械等物等因各呈報到道查得先爲地方緊急賊情事據信豐縣所呈稱正德十二年二月初七日龍南縣賊首黃秀魁糾合廣東賊首池仲容等突來本縣殺人放火見今攻城不退乞要發兵救援等因該本道議委經歷王祚縣丞舒富領兵剿捕斬獲賊級四顆被賊殺死報効義士楊習舉等十名執去經歷王祚隨該本道親詣該縣暫將各賊招安撥回

原巢經歷王祚送出叅將失事知縣王天爵盧鳳千戶鄭鐸朱誠洪恩王簿周鎮鎮撫劉鏜等俱各有罪及將前賊應剿緣由呈詳轉達具奏外正德十三年正月十三日奉提督軍門紙牌議照廣東龍川縣泃頭等處賊巢奉有成命應該會剿其大賊首池仲容等本院已行計誘擒獲見今軍勢頗振若不乘此機會出其不意搗其不備坐視以待廣兵之來未免有失事機之會本院除自行量調官軍設法剿捕事理部勒兵眾分布哨道行仰守備指揮併知府等官郊文陳祥等統領各授進止方畧外備行本職前去軍前紀驗功次及催各哨官兵上緊依期進剿仍行巡

大庾縣志

卷之十七

藝文

疏

三

按衙門前來覈實施行等因今據前因除將前項功次俱巢巡按衙門會審紀驗明白生擒賊犯解赴提督軍門斬首梟示賊屬男婦變賣銀兩器械贓仗贓銀俱貯庫外參照泃頭大賊首池仲容池仲甯池仲安高允賢李全等盤踞一方歷有歲年僭稱王號偽設官職廣東翁源龍川始興江西龍南信豐安遠會昌等縣屢被攻圍城池殺害官軍焚燒村寨擄殺男婦歲無虛日曾經狼兵夾攻數次俱被漏網是乃眾賊奸雄之巨孽三省羣盜之根源也今幸天奪其魄仲容束手就擒仲甯仲安等一時授首各巢賊從擒斬殆盡此皆仰仗朝廷德威遠播廟堂成算無遺提

督軍門賞罰以信而號令嚴明師出以律而機宜慎密身先士卒而艱險之不辭洞見敵情而撫剿之有道以是數十年之巨寇一旦削平連四省之編氓永期安輯呈乞照詳轉達等因據呈到臣該臣看得南贛盜賊其在南安之橫水桶岡諸巢則接境於湖郴在贛州之瀏頭桶岡諸賊則連界於閩廣接境於湖郴者賊眾而勢散恃山谿之險以爲固連界於閩廣者賊狡而勢聚結黨與之助以相援臣等遵奉勅諭自正德十二年九月進兵橫水十月十二日破之十一月復破桶岡十二月望臣兵回至南康誘致仲容諸賊密遣人先行屬縣勒兵分哨道候報而發閩十

大庾縣志

卷之十七

藝文 疏

三

二月二十三日仲容等至贛正月三日度所遣屬縣勒兵當已大集臣乃設犒於庭先伏甲士引仲容入併其黨悉擒之而是夜使人趨發屬縣兵期以初七日同時入巢於是知府陳祥兵從龍川縣和平都入指揮姚璽兵從龍川縣烏虎鎮入千戶孟俊兵從龍川縣平地水入指揮余思兵從龍南縣高砂堡入推官危盡兵從龍南縣南平入知府邢珣兵從龍南縣太平堡入守備指揮郝文兵從龍南縣冷水逕入知府季燾兵從信豐縣黃田岡入縣丞舒富兵從信豐縣烏逕入臣自率帳下官兵從龍南縣冷水逕直搗下泷大巢而使各哨分路同時並進會於三泷賊大

敗奔潰呼聲震山谷我兵乘勝逐北遂克上中下三泖各哨官兵遙聞三泖大巢已破皆奮勇齊進各賊皆潰敗其精悍者尚八百餘徒復嘯聚九連大山扼險自固於是乃選精銳七百餘人度險扼斷其後路次日賊併勢衝敵我兵已據險從上下擊賊不能支乃退敗臣度其必潰預令各哨官兵四路設伏以待賊果分隊潛遯連日擒斬首從賊人賊級數百三月初三日據鄉導人等四路分探皆以爲各巢積惡兇狡之賊皆已擒斬畧盡惟餘黨張仲全等二百餘徒其間多係老弱及遠近村寨一時爲賊所驅脅從惡未久之人今皆勢窮計迫聚於九連谷口呼號痛哭

大庾縣志

卷之十七

藝文

疏

三

誠心投招臣遣報効生員黃表往驗虛實果如所探因引其甲首張仲全等數人前來投見訴其被脅不得已之情臣量加責治隨遣知府邢珣往撫其眾籍其名數遂安插於白沙臣因親行相視險易督同副使楊璋知府陳祥等經理立縣設隘可以久安長治之策畱兵防守而歸蓋自本年正月初七日起至三月初八日止不踰兩月而破奸雄不制之虜以除三省數十年之患此非朝廷威德廟堂成算何以及此

續增